



ル 5
136
10

元和郡縣補志二



崇文書局藏書

136
10

元和郡縣補志

江甯嚴觀子進甫輯

山南道 原卷第二十三

集州 符陽下

戶四千三百五十三 鄉十三

禹貢梁州之域春秋戰國竝屬巴國秦屬巴郡通本漢

宕渠縣晉惠帝永寧中李特王蜀其地屬焉梁武改爲

東巴州後改集州以東北有集水也十道志見御覽百六十八案後

周天和五年移州治於巴嶺南併置平桑郡隋開皇三

年罷郡大業二年州廢併其地入漢川清化二郡尋於廢州城置公山鎮武德元年鎮廢復於難江置集州焉天寶元年改為符陽郡乾元元年復為集州

州境東西一百九十一里南北一百九十六里

八到西南至上都一千四百二十五里西南至東都二千六百里東至璧州符陽縣三百六十里南至巴州二百里西至利州三百里北至梁州三百里

東南至璧州五百里西南至巴州一百九十里西北至利州二百五十里東北至洋州四百里

管縣三
難江 大牟 嘉川

貢賦 貢 蠟燭 藥子 小絹 蜜

難江縣上

案本漢巴郡宕渠縣後改漢昌周天和五年更名難江因水名武德九年析置平桑縣貞觀元年省二年復置六年又省併省長池縣入焉縣有小巴山宕渠水又西南有符特山

興元之南路入巴州中有孤雲山深谿峭巖捫蘿摸石

行者必三日始達其嶺王子韶所謂孤雲兩角去天一

握也有石刻云漢相國蕭何追韓信至此十道志案通鑑注孤雲山

在縣北九十里

大牟縣 下西南至州一百十里

案本漢葭萌縣地屬廣漢郡隋置清化縣武德元年分

西界置大牟縣屬靜州貞觀十七年屬巴州永泰元年

屬集州邑有大牟山

嘉川縣 下西至州一百五十里

案本葭萌縣地太元中分置興安縣屬晉壽郡宋改名

興樂後魏恭帝元年以嘉陵江水經邑而過改名嘉川

屬義城郡隋開皇三年罷郡縣屬利州貞觀二年隸靜

州州廢隸利州永泰元年來屬

壁州 始寧下

戶一萬三千三百六十八 鄉三十一

禹貢梁州之域古巴國地秦屬巴郡本漢宕渠縣地後

漢分置宣漢縣梁分宣漢置始寧後魏分始寧置諾水

縣十道志見御覽百六十八案隋開皇三年省入始寧武德八年分

始寧之東境於後魏諾水城再置諾水仍於縣治立壁

州天寶元年改為始寧郡乾元元年復為壁州

州境 東西二百六十里 南北三百八十里

八到 西南至上都一千八百二十二里 東南至東都二千九百四十二里

東至通州一百六十里 南至州內廣納縣六十里

西至巴州一百五十里 北至州內符陽縣十里

東南至廣納東北界八十里 西南至蓬州五百六十里

西北至集州五百里 東北至州內白石縣一百里

貢賦 貢 絲布 綿 馬策 麻布 絹 蠟

管縣五

通江 廣納 符陽 白石 東巴

通江縣上

案壁州五屬皆漢巴郡宕渠縣地是邑歷朝皆為州治

天寶元年以邑枕巴江更名通江邑有東巴山巴字水

廣納縣 中南至州五十里

武德三年析始寧歸仁二縣置唐書

歌籟山在縣東七十里上有城極峻峻通典

符陽縣 中北至州七十里

案縣本梁置後魏正始中又置其章郡隋開皇三年罷

郡縣屬集州大業二年屬巴州武德元年仍屬集州八年改屬壁州貞觀八年復隸集州長安三年改屬壁州景雲二年又隸集州永泰元年仍屬壁州邑有符水

白石縣

中東北至州一百里

案後魏廢帝於州西南十五里立白石縣因界內有白石川也屬其章郡隋開皇三年縣屬集州大業三年州廢改屬巴州武德元年又屬集州八年改屬壁州證聖元年移於今治縣城南枕大溪北臨小澗

東巴縣

中東至州二百四十里

案開元二十三年州之耆老狀論太平曲水王福村界東南連通州為浮遊所集州縣不便請置邑就以撫之由是敕置太平縣天寶元年以縣處巴江之東改名東

巴

巴州

清化中

戶三萬二百一十

案禹貢梁州之域古巴國秦為巴郡漢宕渠縣地後至李特孫壽時有羣獠十餘萬從南越入蜀漢間散居山谷因斯流布遂為所據歷代羈縻不置郡縣至宋乃於

巴嶺南置歸化郡齊梁因之後魏正始元年梁州刺史
 夏侯道遷以地內屬乃分漢昌縣治所置大谷郡帶防
 兵以鎮撫之延昌三年于郡北置巴州隋大業三年改
 爲清化郡武德元年仍爲巴州天寶元年復爲清化郡
 乾元元年復爲巴州

州境

東西一百二十里
 南北一百四十里

八到

西南至上都二千三百六十里
 西南至東都二千五百八十二里

東至壁州一百五十里
 南至蓬州二百一十里
 西至閬州二百八十里
 北至集州二百里

東南至通州四百五十里
 西南至蓬州二百二十里
 西北至利州三百三十九里
 東北至集州一百九十里

貢賦 金 賁布 棉花 巴天戟 綢 石蜜
 橙 油 白藥

管縣九

化城 盤道 清化 會口 歸仁 始寧
 其章 恩陽 七盤

化城縣

上

案本漢宕渠縣地後漢爲漢昌縣梁普通六年改名梁
 廣屬大谷郡後周大象二年改名化城隋唐因之邑有

靈壽溪巴江

盤道縣

中下東至清化四十里

案本漢宕渠縣地宋末于縣西南十里置北水郡後魏恭帝三年因界內龍腹山道路盤屈改名盤道隋開皇三年罷郡縣屬巴州唐因之

清化縣

上東北至州六十里

案本漢葭萌縣地梁普通六年于縣北二十里置伏強縣隋開皇七年改名清化唐因之邑有清水

曾口縣

中東南至州四十里

案本漢宕渠縣地宋末于此置歸化郡以撫獠戶梁普通六年於郡治置曾口縣後魏因之隋開皇三年廢郡縣屬巴州邑有木蘭山縣治舊在戴公山神龍元年移于曾溪

歸仁縣

中東至曾口八十里

漢宕渠縣地梁置平州隋改為縣通典武德二年屬萬州

貞觀初改屬巴州

劉昫唐書

始寧縣

中東南至其章十五里

梁置以山為名唐因之

劉昫唐書

其章縣

中東至州三十里

案本漢葭萌縣地梁普通六年置哀戎郡又置其章縣
隋開皇三年罷郡縣屬巴州唐因之邑有其章山龍城
恩陽縣 中西北至州四十一里

案本漢巴郡閬中縣地梁普通六年置義陽縣隋開皇
十八年改名恩陽唐因之貞觀十七年廢萬歲通天元
年復置縣有陽山清水

七盤縣

上西北至州一百二十里

案久視元年於七盤山東南置

蓬州

蓬山本咸安下

戶一萬五千五百七十六

古巴國地

通典

本漢宕渠縣地

十道志見御覽百六十八

案周武帝天

和四年割巴州之伏虞郡隆州之隆城郡置蓬州至武
德元年又割巴之安固隆之儀隴大寅渠之宕渠咸安
入焉天寶元年改為咸安郡至德二載改為蓬山郡乾
元元年復為蓬州

州境

東西一百五十里
南北一百八十七里

八到

西南至上都二千二百一十里
西南至東都二千九百九十五里

東至通州四百四十里	南至渠州九十里	西至閬州三百里	北至巴州二百一十里	東南至開州六百八十里	西北至利州五百五十二里	西南至果州二百八十里	東北至壁州三百六十里
-----------	---------	---------	-----------	------------	-------------	------------	------------

管縣七

- 蓬池
- 良山
- 儀隴
- 伏虞
- 宕渠
- 蓬山
- 朗池

蓬池縣中

案本漢閬中縣地梁天監元年分置大寅縣因邑西山名屬蓬山郡隋大業三年郡廢屬巴州武德元年屬蓬州開元二十九年徙州治於此廣德元年又因邑有蓬水更名蓬池

樂龍山在縣南三里 原文

縣內有蓬山 通典

雞山在蓬果二州之界 通鑑注案通鑑大中五年蓬果羣盜依阻雞山寇掠三川以果

州刺史王贄宏討之即此

良山縣 中東至州七十二里

案本漢宕渠縣地東晉李勢時爲獠所據邑有地名恆陵方數百里獠恃嶮固常懷不軌至梁大同元年始分宕渠之地置安固縣屬伏虞郡天和三年獠叛總管長史趙文表討平之恆陵有二路一平一險文表佯從平進忽險入乃克之卽除爲州刺史隋開皇三年罷郡縣屬蓬州天寶元年更名良山邑有大蓬山綏山

儀隴縣

中西北至州六十里

案本漢閬中縣地梁天監元年置崇城郡及儀隴縣今縣城在崇城山上憑險爲理卽梁郡城也武德三年以

縣置方州八年州廢縣屬蓬州開元二十六年移治平溪邑有儀隆山流江

伏虞縣

中東北至州六十里

案本漢宕渠縣地梁大同中於縣東三十里分置宣漢縣屬義安郡隋開皇三年廢郡縣屬蓬州十八年改爲伏虞縣大業三年屬巴州武德元年復屬蓬州縣治原在山頂開元時從民去險就平之請遂移治所於消水之側邑有宣漢水

伏虞山在縣東南六十五里甚險蠻獠被征卽避入此

中原

岩渠縣

中下東至州一百里

案梁太清元年置取漢舊名又置景陽郡隋初郡廢縣屬蓬州舊治長樂山長安三年移治羅穫水

蓬山縣

上東南至州九十里

案本漢宕渠縣地梁大同中置綏安縣屬景陽郡隋開皇三年罷郡縣屬蓬州十八年改名咸安至德二載更名蓬山

朗池縣

中南至州三十五里

案本漢宕渠縣地武德四年劍南道大使竇軌奏割相如縣地置朗池縣寶應元年租庸使徐演奏屬蓬州大厯五年遭賊焚燒自後權行置縣未立城壁貞元元年移於營山歇馬館為治所縣內有漢司馬相如琴臺

通州

通川上

戶四萬七百四十三

春秋戰國並為巴子國秦為巴漢郡漢因之十道志見御覽百六案晉屬巴西郡宋齊為巴渠郡梁於此置萬州及東關郡以州境至廣萬頃因以數名後魏乾明二年又以

州居四達之路改爲通州隋大業初改爲通川郡武德元年復爲通州三年置總管府貞觀五年廢府爲下州長安二年昇爲中州開元二十三年昇爲上州天寶元年復曰通川郡乾元元年復爲通州

州境 東西一千四百三十里 南北六百二十里

八到 西南至上都二千三百里 西南至東都二千八百七十五里

東至開州三百里

南至萬州四百里

西至渠州七百里

北至洋州七百里

東南至開州三百里

西南至渠州六百里

西北至巴州四百五十里
東北至金州一千一百里
貢賦 梃子 膠香 綿 蠟 蜜 白藥子 麝香
楓香 綢

管縣九

通川 永穆 三岡 石鼓 東鄉 宣漢

新寧 巴渠 閬英

通川縣上

案本漢宣漢縣地後魏爲石城縣隋改名通川武德二年分置思來縣貞觀元年仍復省入

永穆縣 上西北至州七十五里

案本漢宕渠縣地梁大同中分置萬榮郡兼立永康縣
隋開皇二年郡廢縣屬巴州十八年改曰永穆貞觀元
年屬通州邑有七盤山龍襄山大江
三岡縣 中西南至州四十里

案梁大同二年於漢宣漢縣地置新安郡并立三岡縣
後魏廢帝二年改郡為新寧隋開皇三年罷郡縣屬通
州邑有三江水玉樓山龍盤山

石鼓縣 中東至州六十里

案本漢宣漢縣地梁分置石鼓縣後魏恭帝三年置遷

州後周改置臨清郡隋開皇三年郡廢縣屬通川郡唐
屬通州邑有巴渠江

東鄉縣 中東北至州一百七十里

案本漢宣漢縣地梁於縣西界置新安縣西魏恭帝二
年分新安於益遷下符兩水間更置石州又於州治置
巴渠郡周天和四年州郡俱廢尋於故州城置三巴郡
隋開皇三年罷郡縣屬通州武德三年改名東鄉并於
此置南石州又置下蒲昌樂二縣八年州廢省昌樂入
石鼓下蒲入東鄉焉又移縣治於東一里安養故城邑

有建平山

宣漢縣

中下北至州一百七十里

案本漢舊縣晉初省惠帝復置屬宕渠郡劉宋屬巴渠郡齊梁因之西魏置井州及永昌郡隋開皇三年郡廢五年州廢縣屬通州武德元年又置南井州及東關縣貞觀元年州縣俱省因徙宣漢治於新安城邑有鹽有金

新寧縣

中下東至州一百七十五里

案本漢宣漢縣地西魏置新寧縣屬東關郡隋初郡廢

併縣入三岡武德二年復分通川縣置治新寧故城貞觀八年移治淙城

巴渠縣

中南至州二百三十里

案本漢宣漢縣地劉宋置巴渠郡并置巴渠縣以境在巴川宕渠之間故也隋開皇初廢永泰元年復析石鼓縣之四鄉置縣地當蠻獠之邊界其民俗聚會則擊鼓踏木牙唱竹枝歌以為樂

閬英縣

中北至州一百二十里

案天寶九載太守韋虛受奏於應水南一里置縣以縣

南五里山名

開州 盛山本萬世下

戶五千六百六十

本漢胸臆縣

十道志見御覽百六十七

案胸臆虫名其地卑濕而生

此虫故名後漢分置漢豐縣屬固陵郡蜀先主改名巴

東晉宋齊因之後魏改置開州周天和元年改同安郡

四年移郡治於州西九十里濁水之北隋開皇三年罷

郡武德元年仍為開州天寶元年改為盛山郡乾元元

年復為開州

州境

東北一百八十八里
西南一百二十二里

八到

南至上都一千四百六十里
南至東都二千六百七十里
東至夔州四百六十五里
南至夔州二百四十二里
西至通州三百里
北至通州四百九十里
東南至萬州二百三十里
西南至萬州梁山縣一百五十三里
西北至通州石鼓縣一百二十八里
東北至夔州界二百八里

貢賦

貢 白紵 布 柑 芡 苕 實

管縣三

開江 新浦 萬歲

開江縣 上

案開州三屬皆漢巴郡朐腮縣地建安二十一年蜀先
主於縣南二里置漢豐縣屬巴東郡後周武帝改名永
寧隋開皇十八年改名盛山因邑山名貞觀元年省西
流縣入焉廣德元年更名開江縣有疊江

新浦縣 中下西南至州九十里

案宋永初中分漢豐西北七里置新浦縣屬巴東郡後
魏恭帝三年於縣置開江郡周天和五年改郡名江會
建德五年郡廢縣屬同安郡隋開皇三年罷郡縣屬開

州唐因之

萬歲縣 中下東北至州四十里

案宋武帝分漢豐之地置巴渠縣屬巴東郡後周天和
元年改名萬歲以縣北有萬歲谷也隋改名萬世武德
元年縣屬開州貞觀二十三年仍名萬歲邑有石門山
三朝溪

縣東南五里有靈洞貞元九年雷雨震開縣有鹽 唐書

閬州 閬中上

戶二萬九千五百八十八

案禹貢梁州之域春秋巴國別都秦爲巴郡後漢建安六年劉璋分置巴西郡蜀將張飛曾爲此郡守至李雄之亂是郡荒蕪太守理無定處宋元嘉八年復於此立北巴西郡宋末除北字齊因之梁天監中以居蜀漢之半又當東道衝要因立北巴州及北巴郡西魏廢帝以此州古有隆城堅險因置隆州尋又立盤龍郡以州內有盤龍山也隋開皇初郡廢州存大業初改州爲巴西郡武德元年改爲隆州先天元年避玄宗諱改曰閬州天寶元年改爲閬中郡乾元元年復改爲閬州十道錄

云果閬二州貞觀中屬劍南道開元中屬山南道天寶中屬劍南道乾元中又屬山南道若據地勢言之嘉陵江旣在劍門之外流歷果閬合三州而合涪江且三州同是漢巴郡之地合屬山南道

州境	東西二百四十九里
八到	東北至上都一千九百一十五里
	東北至東都二千七百六十里
	東至蓬州三百里
	南至果州三百里
	西至劍州三百里
	北至利州二百八十里
	東南至果州三百六十里
	西南至梓州三百一十五里

貢賦 西北至劍州二百里
東北至巴州二百八十里
綾 綿 絹 綢 蓮

管縣九

閬中 晉安 南部 蒼溪 西水 奉國

新井 新政 岐坪

閬中縣 緊

案本秦舊縣華陽國志云周慎王五年秦惠文王遣張儀司馬錯伐蜀因取巴王以歸分其地為三十一縣此為閬中縣以閬水迂曲經其三面縣居其中也隋改名

閬內武德四年仍從舊名是年析置思恭縣七年省有

鹽有靈山天柱山又有仙穴山閬中山嘉陵水

彭道魚池在州西南 原文見太平寰宇記

南池在縣東南八里 初學記

閬中有渝水寶民多居水左右天性勁勇其人銳氣而

善舞 郡國志見御覽五十九案顏師古漢書注云巴俞後使樂府習之

因名巴俞舞也
滕王亭在縣北玉臺山 通鑑注案杜子美詩所謂君王臺榭枕巴山者是也

晉安縣 中西至州七十里

案本漢閬中縣地梁置金匱縣又為金遷郡隋省郡改縣名晉城武德中改名晉安

南部縣 上東南至州七十里

案漢置充國縣屬巴郡後漢初平四年分置南充國縣晉屬巴西郡劉宋改為南國縣屬北巴西郡蕭齊因之梁天監二年改為南部縣西魏於縣置新安郡後周郡

廢隋屬隆州唐屬閬州有鹽

離堆山在縣東南 案顏真卿磨崖記云此山斗入嘉陵江直上數百丈形勝縮臺上崢嶸而下洞泚不與眾山相連屬是謂之離堆

接古專陂由黃土堰注白馬湖分入城隍及故永泰渠

溉田千餘頃又北百一十九里有津石陂聖麻初令崔

嗣業開東北八十里有崔陂又東北三十五里有槎陂

亦嗣業所開大麻五年韋夏卿增脩以溉田 唐書

沅水出牂柯東北過縣至長沙入洞庭湖 後漢書注

漢臨沅故城在武陵縣 後漢書注

純紀陂今名白馬陂隋開皇中刺史喬難陀修其利不

減鄭白二渠 通典

龍陽縣 中上

吳時置沅水入龍陽界歷九州洲長二十餘里即李衡

種甘橘所通典

忠州南賓下

戶六千七百二十二

案禹貢梁州之域周為巴國地漢初平六年立臨江縣屬永寧郡建安六年改郡名巴東歷晉宋皆因之梁大同六年以郡城臨江改名臨江郡後魏廢帝二年改為臨州隋開皇三年郡廢大業五年州廢併其地入巴東郡義寧二年又于臨江縣立臨州并分置豐都縣武德

二年又分臨江置清水縣貞觀八年改臨州為忠州以地邊巴徼取懷忠信之意天寶元年改為南賓郡乾元

元年復為忠州

州境東西一百六十里南北三百八里

八到東至上都二千二百二十里南至東都二千七百四十七里西至涪州三百五十五里北至渠州五百一十四里

東至萬州水路二百六十里南至黔州六百五十里

東南至萬州界四百五十六里西南至黔州水路六百六十里

西北至渠州四百三十三里東北至萬州三百九十里

元和縣志五 山南道

三

貢賦 貢 綿 黃連 天門冬 生金 蘇薰蓆 綢
巴戟 麥門冬 文刀 苦藥子

管縣五

臨江 豐都 南賓 墊江 桂溪

臨江縣 中下

案後漢初平二年置屬永寧郡縣內有彭溪屏風山鳴
玉溪大江

豐都縣 中下西至州九十二里

案本漢巴郡枳縣地後漢永元二年分置平都縣延熙
十七年省入臨江隋義寧二年改名豐都唐因之

南賓縣 中下西南至州一百里

案後周置源陽縣尋改武寧屬南賓郡武德二年分西
界為南賓縣產鐵

墊江縣 中下

案後魏紹泰三年置周天和二年改名魏安隋開皇十
八年復舊名武德二年屬潯州八年改屬忠州邑有溶
貴二溪

桂溪縣 中下西至州一百三十九里

案武德二年置清水縣屬臨州天寶元年以隴右有縣

同名改為桂溪邑有清溪

萬州 南浦下

戶五千一百七十九

案春秋時楚之西部夔子國亦熊摯受封之所也秦漢屬巴郡周分置安鄉郡尋改萬川郡兼立南州隋開皇三年郡廢大業三年州廢併其地入巴東郡武德三年以地曠源深須資郡府復置浦州貞觀八年改為萬州天寶元年改為南浦郡乾元元年復為萬州

州境 東西二百二十八里 南北四百五十里

八到 東至上都二千七百四十三里
東至東都二千三百三十里
東至夔州二百九十八里
西至渠州四百五十五里
南至施州六百八十三里
北至開州二百三十二里
東南至施州清江縣二百九十七里
西南至忠州界九十六里
西北至通州州四百一里
東北至辰州開州兩界一百七十里

貢賦 麩金 白膠香 蠲紙 苦藥子

管縣三

南浦 武寧 梁山

南浦縣中

案本漢胸臆縣後魏廢帝元年分置魚泉縣以土地多
泉民賴魚罟也後周改名萬川隋開皇十八年改爲南
浦縣有塗睿監漁陽監鹽官二

武寧縣

中下西南至州一百三十里

案本漢臨江縣屬巴郡後周武帝初分置源陽縣屬南
都郡建德四年改曰武寧取威武以寧斯地之意隋開
皇三年屬巴郡武德二年改屬萬州邑有金積山巴子
城

梁山縣

中下

案本漢胸臆縣地西魏置梁山縣隋屬信州唐屬萬州
邑有梁山東尾跨江西首劍閣東西數千里山嶺長峻
其峰崔嵬於蜀市望之若長雲垂天一日行之方極其
頂俯視眾山氓若平原故曰巖巖梁山積石峩峩也

金州

漢陰上

戶一萬四千九十一

禹貢梁州之域周楚之附庸後爲楚地秦屬漢中郡
志見御覽兩漢因之魏爲魏興郡晉宋因之梁改爲南
梁州西魏改置東梁州後因其地產金改爲金州
通案

隋初因之大業三年改爲西城郡武德元年復爲金州
三年置總管府七年府廢天寶元年改爲安康郡至德
二載改爲漢陰郡乾元元年復爲金州有府一曰洪義

州境

東至四百里
西至三百里
南至三百里
北至三百里

八到

南至上都九百九十一里
至中都一千九百五十六里
東至均州七百二十里
南至夔州九百五十四里
西至洋州五百里
北至京兆府五百六十六里
東南至房州五百四十七里
西南至通州一千一百里
西北至京兆府長安縣界五百九十里
東北至商州七百二十里

東至均州七百二十里
南至夔州九百五十四里
西至洋州五百里
北至京兆府五百六十六里
東南至房州五百四十七里
西南至通州一千一百里
西北至京兆府長安縣界五百九十里
東北至商州七百二十里

貢賦

麩金 牙椒 乾漆實 麝香 紙 黃蘗
杜仲 雷丸 白膠香 鍾乳 蠟 枳實
茶

管縣六

西城 洵陽 涇陽 石泉 漢陰 平利

西城縣

上

案本漢縣屬漢中郡媯墟在西北舜故居北周省縣隋
初復置開皇十八年改名吉安大業三年改名金川後
廢義寧二年復置改名西城縣南九里有峻山昔晉吉
挹爲梁州督符堅來攻築壘守之三年不下

邑有牛山漢水產金唐書又有治水吉水

西城故城內有虞舜祠初學記

洵陽縣 中下東至州一百二十里

案縣漢置在洵水之陽屬漢中郡後漢省晉太康四年

復置西魏置洵陽郡隋初郡廢武德元年縣屬洵州七

年州廢縣歸金州邑有申口鎮城按通鑑寶應元年六月薛南陽追擒裴茂

于馬跡山

旬關漢中旬水上之關也今在縣內顏師古前漢書注

邑南山下有漢高廟初學記

涇陽縣 上東至州三十里

案本漢洵陽縣地後魏大統十七年于涇陽郡西三十

三里置黃土縣居漢水南後周保定二年改名長岡三

年郡廢天寶元年改爲涇陽縣

石泉縣 中下西南至州三百里

案本漢西城縣地梁天監中置安樂縣周改名石泉因

邑有漢水故也聖祿元年改名武安神龍元年復名石

泉大歷六年省入漢陰永貞元年復置

漢陰縣 中下西至州一百一十里

案本漢安陽縣屬漢中郡故城在縣西二十四里武帝
改置安陸郡隋改為縣至德二載改名漢陰西有方山
關貞觀十二年置東十八里梁門山乃月川水之源產
金又有鳳凰山漢江直水

平利縣 中下東南至州七十里

案本漢西城縣地晉于縣南平利川置上廉縣後周天
利四年改名吉陽隋改安吉武德元年改名平利八年
移治于古聲口戍南聲水之東黃羊水北邑有女媧山
元和郡縣補志

元和郡縣補志

江甯嚴觀子進甫輯

淮南道 原卷第
二十四

揚州 廣陵大都督府

戶七萬七千一百五

今為淮南節度使理所

管揚州楚州滁州和州舒
州壽州廬州 管縣三十

一 都管戶

禹貢九州揚州其一也春秋屬吳十國屬楚秦滅楚為
廣陵併天下屬九江郡漢為江都國建武元年復曰揚

州原文見御覽百六十九案牽牛流爲揚州分爲越國立爲揚山蓋以爲江南之氣燥勁厥性輕揚故也曹魏爲重鎮後屬吳晉爲廣陵郡東晉末以地控接三齊故青兗二州刺史皆鎮於此宋元嘉八年兼置南兗州齊梁因之北齊改爲東廣州陳復爲南兗州後周改爲吳州置總管府隋開皇九年復爲揚州仍爲總管府大業元年改府爲江都郡并置江都宮煬帝泛龍舟曲云借問揚州在何處淮南江北海西頭分畫是州疆域之精無踰此詩武德二年李子通自海陵率眾攻破州城遂竊據之三

年爲杜伏威所破未幾伏威歸化於潤州江寧縣置揚州以隋江都郡爲兗州置東南道行臺六年輔公祐竊號江南驅擁諸州宮殿撤毀城遂荒廢七年趙郡王孝恭討平之改州爲邗州九年省江寧之揚州改邗州爲揚州大都督府貞觀十年改爲都督府龍翔二年仍爲大都督府天寶元年改爲廣陵郡乾元元年復爲揚州兼置淮陽節度使於此有府四曰江平新林方山邗江州境東西二百二十五里南北一百六十七里八到西北至上都二千七百五十三里西北至東都一千七百四十九里

東至海五百六里	南至潤州六十三里	西至滁州三百里	北至楚州三百里	東南至海四百六里	西南至和州三百六十里	西北至楚州二百五十里	東北至鹽城縣三百六十里	貢賦	貢	芫蓆	白綾	金銀銅器	錦獨窠	錦綺
								銅鏡	柘木	綿蕃客袍	綾殿額	蛇粟		
								水兕甲	繡	魚臍	烏節米	青白苾	蜜姜	
								黃稔米	兔絲	括萁粉	糖蟹		魚鱉	
								錦被	藕				精空	

管縣七

江都 江陽 六合 海陵 高郵 揚子

天長

江都縣

本秦廣陵縣通典漢析置江都屬廣陵國劉昫地當衝要

多富商大賈珠翠珍怪之屬蘇瑰傳城置陵上爾雅云大

阜曰陵一名阜岡一名崑崙岡故鮑昭蕪城賦云拖以

漕渠軸以崑崙郡國志見御覽百六十九有丹陽廣陵二監錢官二

厲王胥冢歲旱鳴鼓攻之輒致雲雨抱朴子曰吳主時

掘大冢有重閣微道高可乘馬有銅人皆大冠執劍棺

中人髻已斑白面體如生以白璧二十枚藉尸舉之有

玉形似冬瓜從懷中墮地兩耳及鼻中有黃金如棗此骸骨因假物而不朽之効也

原文見太平寰宇記

茱萸灣隋開皇四年開以通漕一名灣口一名灣頭亦

曰東塘

原文見太平寰宇記案通鑑中和元年四月有雙雉集廣陵府舍占者以為野鳥來集城邑將空之兆高駢惡之乃移檄四方云將入討黃巢悉發巡內兵入萬舟二千艘五月乙未出屯東塘即此

廣陵城吳王濞都周十四里半一名楊子城

案通鑑武德七年三月

北自六合縣界流入晉祖逖擊楫中流自誓之所南對

丹徒之京口

原文見太平寰宇記

合瀆渠在縣東二里本吳所掘邗溝江淮之水路也今

謂之官河亦謂之山陽濁

原文見太平寰宇記

瓜洲鎮在縣南四十里江濱昔為瓜洲村蓋揚子江中

之沙磧也狀如瓜字遙接揚子渡口自開元以來漸為

南北襟喉之地

原文見太平寰宇記案劉昫唐書元宗紀開元二十六年十月潤州刺史齊澣開伊婁河于揚州南瓜子浦即此地

愛敬陂在縣西五十里漢陳登為太守時所開人號為

愛敬陂亦號陳公陂

原文見太平寰宇記

唐貞元四年節度使杜亞自江都西循蜀岡之右引陂趨城隅以通漕溉夾陂

田唐書

邑東十一里有雷塘貞觀十八年長史李襲譽引渠又

築勾城塘以溉田八百頃唐書案李襲譽傳曰揚州江

譽教溉田以盡地利民多歸本

枚乘七發曰觀于廣陵之曲江今揚州也藝文類聚

廣陵蜀岡上有井曰蜀井茶品天下有二十種此水第

七藝文類聚

廣陵西一里有公路浦藝文類聚袁術自九江東奔袁譚于

下邳由此浦渡因名初學記

雷坡有臺高二丈吳王濞釣臺也初學記

邑產銅雷塘西有吳公臺通鑑注案通鑑武德元年八月丁酉隋江都太守陳稜求

得煬帝之樞取字文化及所留輦輅鼓吹粗備天子儀衛改葬于江都宮西吳公臺下即此

江陽縣望

貞觀十八年析江都置邑有康令祠咸通中大旱令以

身禱赴水死天即大雨民為立祠唐書

六合縣繫西北至州一百十里

本秦棠邑縣春秋時棠也左傳襄十四年楚子為庸浦

之役故子囊師于棠即此十道志見御覽百六十九漢屬臨海後漢

屬廣陵後周置方州改六合郡隋為六合縣唐屬揚州

原文見太平寰宇記武德七年析置石梁縣貞觀元年省邑產銅

鐵書有石梁溪通典

瓜步山在縣東南二十里原文見通釋

六合山在縣東北八十里原文見通釋

桃葉山在縣西南七十五里隋開皇三年于此置六合

鎮原文見通釋

縣有銅城即吳王鑄劍處原文見太平寰宇記

梁于石梁置涇州石梁禹為理水之門俗稱項口原文見太平

平寰宇記

瓜步江在今縣界西南對潤州江寧即魏文帝及後魏

太武帝所臨處初學記

海陵縣望

楚海陽地漢置縣屬臨淮郡晉立為海陵郡隋置江浦

縣武德三年改為吳州置吳陵縣七年州廢復為海陵

縣隸揚州景龍二年析置海安縣開元十年省有鹽官

唐書

邑有鹽監歲煮鹽六十萬石而楚州鹽城浙西嘉興臨

平兩監所出次焉計每歲天下鹽利當租賦三分之一

原文見通釋

高郵縣 上南至州一百里 原文

案本秦之高郵亭也漢置縣屬廣陽國三國時廢晉太康中復立隋大業中移治所於樊梁鎮永徽二年復舊所初屬兗州州改仍舊

邑有隄塘溉田數千頃元和中節度使李吉甫築

下阿溪 通鑑注案通鑑光宅元年九月徐敬業聞李孝逸將至自潤州同軍拒之屯高郵之下阿溪即

此

揚子縣 望

案本漢江都縣地隋末杜伏威置戍守于此名揚子鎮

永淳元年改為縣

天長縣 望

本古之千秋縣唐元宗開元中以誕辰為千秋節遂改

為天長 原文見太平寰宇記 邑產銅 唐書

楚州 淮陰縣

戶二萬六千六十二

禹貢雍州之域春秋屬吳戰國屬楚秦屬九江郡漢為

射陽縣地原文見御覽屬臨淮郡後漢屬廣陵郡下邳國晉屬臨淮廣陵二郡東晉為重鎮穆帝時中郎將荀羨北征詩云淮陰舊鎮地形都要水陸交通易以觀釁沃野有開殖之利方舟運漕無地屯兵乃營立城池焉通典案義熙七年分置山陽郡宋泰始中於淮陰置北兗州齊因之梁改淮州東魏因之兼領山陽淮陰二郡北齊廢淮陰郡周僑置東平郡隋開皇元年改東平為淮陰立楚州尋與山陽郡俱廢十二年移州治山陰大業元年州廢并入江都郡武德四年臧君相歸附立為東

楚州八年改為楚州天寶元年改為淮陰郡乾元元年復為楚州

州境

東西四百七十六里
南北二百七十里

八到

西北至上都二千五百里
西北至東都一千六百六十里

東至海二百十五里
南至揚州三百里

西至揚州一百九十里
北至淮水七十五里

東南至揚州海陵縣八十五里
西南至濠州招義縣四百二十里

西北至濠州二百六十三里
東北至淮口入海水路一百七十九里

貢賦

貢 絲布 淮白魚 絹 賞布

管縣四

山陽

鹽城

寶應

淮陰

山陽縣

上

案本漢射陽縣地高帝封劉纏于此為射陽侯晉義熙九年改為山陽縣歷代因之隋屬江都郡唐屬楚州縣東南有射陽湖又有漣河

案潛丘劄記云通典誤謂吳王濞反山陽王率眾於此拒

之因名漣反時漢無山陽王山陽王立在後此十年

廣陵王胥有罪其相勝之奏奪王射陂草田賦與貧人

張晏曰射水之陂在射陽縣

原文見御覽百六十九

邑有石鱉山山產石鱉因名今山下有鄧艾築城

原文見太

平寰字記

淮水入宿遷縣南與縣分中流為界

原文見通釋

邑有常豐

堰大麻中黜陟使李承置以溉田

唐書

鹽城縣

上東南至州二百里

本漢鹽瀆縣屬臨海郡州長百六十里在海中州上有

鹽亭百二十三所每歲煮鹽四十五萬石

原文見通釋

隋末

盜韋徹據縣置射州及射陽安樂新安三縣武德四年來歸因之七年州廢并省三縣置鹽城焉

唐書

縣西南有會骸山山有金牛昔有弟兄三人共鑿坎求

同死穴中因名初學記

寶應縣望

案本安宜縣漢之平安縣也屬廣陽國武德四年以縣置倉州領安宜七年州廢縣屬楚州上元三年建巳月于縣得定國寶十三枚因改名寶應

白水陂在縣西八十里鄧艾所作與盱眙破釜塘相連開八水門立屯溉田萬二千頃宋元嘉末決水灌敵隋大業末破釜塘壞水北入淮于是白水塘亦壞原文

西南八十里有羨塘證聖中開置屯田西南四十里有

徐州涇青州涇唐書

鄧艾既開陂灌田又于縣築塘四十九所藝文類聚

漢射陽故城在縣東後漢書注

淮陰縣中西至州五十里

案本漢舊縣宋于此置兗州後廢隋開皇八年改置淮陰縣武德七年省乾封二年析山陽復置邑有淮水沙河鹽瀆

滁州永陽上

元和神志六
戶二萬六千四百八十六

春秋時屬楚漢為全椒縣晉琅琊王佃出滁中即此地
吳赤烏十三年作堂邑滁塘以淹北道原文見通釋案晉屬
淮南郡東晉初僑置頓丘縣及郡後郡廢縣屬秦郡宋
元徽元年改置新昌郡齊因之梁大同二年割北徐州
之新昌南豫州之南譙豫州之北譙三郡立為南譙州
居桑根山西今州西南八十里全椒縣界南譙州故城
是也隋為滁州大業元年州廢武德三年杜伏威歸國
因復置滁州天寶元年改為永陽郡乾元元年復為滁

州

州境

東西二百五里
南北一百七十三里

八到

西北至上都二千五百六十四里
西北至東都一千七百四十六里

東至揚州三百里
南至和州一百九十八里

西至濠州二百六十二里
北至廬州一百六十二里

西南至廬州慎縣界一百六十二里
西北至濠州二百二十六里

東南至和州烏江縣一百六十一里
東北至盱眙縣二百四十四里

貢賦

貢 紵練麻 貲布 絲布

管縣三

清流 全椒 永陽

清流縣上

案本漢全椒縣地屬九江郡梁為頓丘縣隋改新昌尋改清流邑有清流水瑯琊山

全椒縣緊南至州六十里

案本漢舊縣後漢封馬成為全椒侯于此彭城劉平為令虎自渡江即此地也隋開皇元年改為滁縣大業元年仍為全椒屬揚州武德二年改屬滁州

滁水在縣南六十里源出廬州巢縣東流經六合至瓜

步入大江原文

九頭山在縣西北九十六里江表傳云項羽敗至烏江漢兵追至一日九戰因名括地志

漢阜陵故城在今縣南後漢書注

永陽縣上東北至州三十五里

案本漢全椒縣地後周改置高塘縣景龍三年改名永陽

和州歷陽上

戶二萬四千七百九十四 鄉三十九

禹貢揚州之域春秋及戰國時為楚地秦為歷陽縣屬
 九江郡漢為淮南國原文見御覽百六十九案又為九江都尉治
 後漢為揚州刺史治三國屬吳晉初屬淮南郡永興元
 年分置歷陽郡宋永初二年又于郡立南豫州齊建元
 二年州廢郡屬豫州梁因之侯景之亂江北地屬高齊
 後齊以兩國通和立和州隋唐因之天寶元年改為歷
 陽郡乾元元年復為和州有府一曰新川
 州境東西七十九里南北一百八十五里
 八到西北至上都二千六百八十三里西北至東都一千八百一十一里

東至宣州二百五十六里	南至廬州二百五十六里	西至廬州二百九十五里	北至滁州一百九十八里	東南至宣州二百五十六里	西南至廬州三百八十五里	西北至廬州三百三十三里	東北至揚州三百六十里
貢賦	貢	紵布	茶	魚	稻		
管縣三	歷陽	烏江	含山				

歷陽縣上
 漢舊縣屬九江郡南有歷水故曰歷陽十道志見御覽百六十九案

項羽以此封范增為侯國漢永平中九江盜據之為江
 淮巨患久而始平晉永和九年刺史謝尚于此立鎮
 歷陽湖在縣西三十里昔有書生遇一姥姥待之甚厚
 生謂姥曰此縣前石龜眼赤血出地當陷為湖姥每往
 視之門吏問姥姥具以對吏因以朱點龜眼姥見遂走
 上西山顧城已陷今湖中有明府魚婢魚奴魚之名原文
見太平寰宇記
 梁山在縣南七十里山上有卻月城宋王玄謨所築六
 代于此屯兵扞禦原文見通釋

橫江在縣東南二十六里直江南采石渡處原文

邑有禱應山本白石山棲隱山本梅山皆天寶六載更

名唐書

州有當利浦藝文類聚

麻湖在縣西十里十道志見御覽百六十九案淮南子曰歷陽之都一夕而為湖即此

邑西有故城晉王導築以遏石虎郡國志見御覽百六十九

烏江縣上東北至州四十里

本烏江亭漢東城縣也梁置江都郡北齊改為密江郡
 陳改名臨江後周改為烏江郡隋改為縣唐因之通典

烏江浦在縣東四里卽亭長艤舟處原文

安陽渡在縣東北十八里原文

東南二里有韋游溝引江至郭十五里漑田五百頃開

元中丞韋尹開貞元十六年令游重彥又治之民享其

利以姓名溝唐書

含山縣上西南至州五十五里

案本漢歷陽之地東晉僑置龍亢縣屬歷陽郡宋齊因之周天和元年省入歷陽武德六年改置含山縣八年廢長安四年復置更名武壽神龍元年復名含山

濡須塢在縣西南一百十里濡須水源出巢縣西巢湖

亦謂之馬尾溝東流經亞父山又東南流注於江建安

十八年曹公至濡須與孫權相拒月餘權乘輕舟從濡

須口入偃月塢塢在巢縣東南二百八里濡須水口初

呂蒙守濡須聞曹公將來夾水築塢形如偃月故以為

名原文見通釋

運漕河在縣南八十里梁侯景之亂王僧辨軍次蕪湖

景將侯子鑿屯兵梁山以捍漕運故名原文

縣有飲馬池在關東之巔相傳關羽飲馬于池白帖

舒州 同安上

戶三萬五千三百五十三 鄉十七

禹貢揚州之域春秋時皖國也原文皖偃姓咎繇之後春

秋時楚滅之為東鄙戰國時屬楚秦為江夏郡十道志見御覽

百六十九漢為皖縣屬廬江三國初屬魏孫權征皖克之後

為重鎮令諸葛恪屯戍之原文見通釋案晉初仍屬廬江郡

安帝改置懷甯縣兼置晉熙郡宋齊因之梁末改豫州

大寶元年改為晉州北齊天保六年改曰江州陳大建

五年復為晉州隋開皇元年郡廢改州為熙州大業三

年改為同安郡武德四年改為舒州二年置總管府貞觀元年罷府天寶元年仍為同安郡乾元元年復為舒

州

州境 東西五百八十三里 南北三百三十五里

八到 西北至上都二千六百二十六里 西北至東都一千八百九十三里

東至宣州八百五十二里 南至江州五百七十二里

西至廬州四百七十里 北至廬州四百七十里

東南至江州五百七十二里 西南至蘄州三百七十二里

西北至壽州八百七十六里 東北至廬州四百七十六里

貢賦 貢 蠟 白紵布 開火茶 鐵器 酒器 石斛

管縣五

懷寧 宿松 望江 太湖 桐城

懷寧縣 上

本漢皖縣地晉置縣武德五年析置皖城安樂梅城皖陽四縣是年省安樂七年三縣悉省 唐書

皖山在縣西十里皖水西北自壽州霍山縣流入經縣北二里又東南流二百四十里入大江謂之皖口 原文見通釋

吳塘陂在縣西二十里皖水所注曹公遣朱光為廬江太守屯皖大開稻田呂蒙言皖地肥美若熟眾增因是

克之 原文見通釋案劉昫唐書宣宗紀大中十一年十月二月舒州吳塘堰有眾禽成巢濶七尺高七丈水面綠毛爪啄皆紺色其聲曰甘人呼為甘虫

皖城故城在舒州 後漢書注

邑有灩山一名天柱山 通典

宿松縣 上西南至州一百六十里

案本漢皖縣地元始五年置松滋縣屬廬江郡後漢省

晉以荊州有縣同名因改宿松隋改名高塘開皇十八

元和補志六
年仍名宿松武德四年于縣置嚴州八年廢邑有嚴恭
山

高塘有雷水江水自鄂陵分爲九派會於此縣界洲上
三百餘里合流謂之九江口東入武林洲卽桑落洲之

下尾

通典

望江縣

中南至州二百十六里

案本漢皖縣地晉安帝置新冶縣屬晉熙郡又爲大雷
戍因邑西岸有大雷江也陳于縣置大雷郡隋開皇初
郡廢十一年改縣名義鄉屬熙州十八年改名望江屬

同安郡武德四年以縣置高州尋爲智州七年州廢縣
屬嚴州八年改屬舒州

太湖縣

上西南至州一百里

案本漢皖縣地宋元嘉二十五年立太湖縣屬晉熙郡
後省泰始二年復置在龍山太湖之側尋以縣居山險
乃去舊治三十八里擇平原以立縣焉齊建元二年行
臺左丞盧潛更故太湖城立龍安郡陳大建五年郡廢
隋開皇元年改縣曰晉熙十八年復名太湖大業十三
年爲李子通破沒武德四年大使鮑安仁還立爲縣又

析置青城荊陽二縣七年省青城入荊陽八年省荊陽入太湖邑有司空山

桐城縣

緊東北至州百四十里

案春秋時桐國也漢置樅陽縣屬廬江郡漢武帝元封五年南巡狩自尋陽浮江射蛟江中獲之舳艫千里薄樅陽而出作盛唐樅陽之歌于此隋開皇十八年改名同安縣以界內古城名屬同安郡至德二載改名桐城自開元中徙治山城地多猛虎毒蛇元和八年令韓震焚蕪草木其害遂除邑有盛唐山樅陽水大江

壽州

壽春本淮南中

戶三萬五千五百八十一

禹貢揚州之域秦為九江郡漢為淮南國

原文見御覽百六十九

案文帝十六年分置衡山國武帝元狩元年復為九江郡二年又為六安國後漢建武十三年屬廬江郡漢濠縣故城即今州治魏亦為淮南郡三國時江淮為戰爭之地其閒數百里無復人居晉平吳民還本土復立淮南郡兼置揚州東晉亦為重鎮宋屬淮南郡梁太清元年河南道大行道侯景率十三州來降梁以景為大都

督豫州刺史仍鎮壽陽二年景叛中軍都督復以壽陽降魏魏為揚州北齊因之陳大建五年復得壽春改為豫州隋開皇九年改為壽州唐因之武德七年置都督府貞觀元年府廢天寶元年改為壽春郡乾元元年復為壽州城臨淝水北有八公山山北即灌水晉伏滔云彼壽春者南引汝潁之利東連三吳之富北接梁宋平塗不過七百西接陳許水陸不出千里外有江湖之阻內有淮淝之固龍泉之陂良田萬頃舒吳之貢利盡蠻越金石皮革之具萃焉苞木管竹之族生焉其俗尚氣

力而多勇悍其人習戰爭而貴詐偽

州境東西一百七十里
南北五百六十五里

八到西北至上都二千二百七十里
東北至東都一千三百九里

東至濠州二百二十里
南踰大山至舒州八百里

西至潁州二百五十八里
北至潁州下蔡縣三百九里

東南至廬州三百里
西南至光州四百六十三里

西北至楚州二百八十五里
東北至濠州二百二十里

貢賦

貢	絲布	石斛	茜草	麻布	絕	綿	茶
---	----	----	----	----	---	---	---

管縣五

壽春 安豐 盛唐 霍丘 霍山

壽春縣 上南至州二十五里

案本漢舊縣屬九江郡楚考烈王都此名郢東晉改名壽陽隋復之縣東四十餘里宋殷琰築四壘于此此郡在齊梁間有淮南梁郡北譙汝陰等郡隋初悉廢八公山南即淮水自東晉至今常為要害之地

原文見通釋

廉頗墓在縣北四里

史記正義

壽州有曲陽城又有北溪水

後漢書注

安豐縣

緊

春秋時六國昔皐繇封葬于此有漢六安郡故城在南

梁置陳留安豐二郡有芍陂

案後漢書注云在縣東周三百二十四里楚孫

叔敖所起崔寔月令曰叔敖作期思陂即此後漢王景

為廬江太守重修之境內豐給其陂徑百里灌田萬頃

齊梁時立屯田無復輸運

通典

隋罷郡立縣屬揚州尋屬

壽州武德七年省小黃肥陵二縣入焉東北十里有永

樂渠溉高原田廣德二年宰相元載置大厯十三年廢

唐書

安豐南有鶴父亭

原文見太平寰宇記

漢肥陵故城在縣東六十里

括地志

咎繇墓在縣南一百三十里故六城東東都陂內大冢

也

括地志

故六城在縣南一百三十二里

括地志

漢陽泉故城在今縣南

後漢書注

盛唐縣

上

案本楚之濳縣漢為盛唐縣屬廬江郡隋改為霍山唐初屬霍州州廢來屬又析置開化濳縣二縣尋並省神功元年改名武昌神龍元年復為霍山開元二十七年

復名盛唐移治于騶虞城

霍丘縣

緊西南至州一百二十里

本漢松滋縣屬廬江郡

十道志見御覽百六十九

案故城在縣東十五里梁置安豐郡于此今縣本梁置霍丘戌隋開皇十

三年改為縣武德元年于縣置蓼州霍丘屬焉七年州

廢仍屬壽州邑有安陽山豐水決水又有安豐津

霍山縣

上

天寶元年析盛唐置有大別山

唐書

馬頭城在縣北二十里

原文見通釋

楚潛邑故城在縣東二百步史記正義

邑有霍山亦名天柱山後漢書注

漢安豐故城在縣西北後漢書注

廬州廬江上

戶四萬三千三百二十三 鄉八十五

本廬子國春秋舒國之地漢分淮南置廬江郡後漢廬江在皖建安中曹公謂劉馥可任東南之事以為揚州刺史單馬造合肥空城建立州治合肥縣西二里故城是也建安二年張遼守之孫權帥十萬師攻圍遼以入

百人破之明帝青龍元年滿寵都督揚州諸軍鎮于此請于合肥縣西北三十里立新城權自出欲圍新城以其遠水積二十日不敢下船乃上岸曜兵明年又至無功而還諸葛恪圍城亦不克魏明帝云先帝東置合肥南守襄陽西固祁山賊來輒破于三城之下地有所必爭也合肥晉亦為重鎮原文見案東晉于合肥僑置南汝陰郡屬南豫州梁天監八年又分置豫州改南汝陰為汝陰郡普通七年改南豫州太清元年改名合州北齊分置北陳郡隋開皇元年三郡悉廢因于縣置廬州

大業元年改為廬江郡武德元年復為廬州天寶元年仍為廬江郡乾元元年復為廬州

州境東西二百八十三里南北三百三十五里

八到西北至上都二千三百八十七里西北至東都一千五百六十九里

東至和州二百九十五里南至舒州四百里

西至壽州界二百一十五里北至濠州三百三十里

東南至柵口三百八十四里西南至舒州四百七十六里

西北至壽州三百里東北至滁州全椒縣一百四十五里

貢賦貢交梭絲布鹿脯新茶石斛酥蠟花紗

管縣五

合肥 慎 巢 廬江 舒城

合肥縣緊

本漢舊縣案後漢書注云故城在今州北淮水與肥水合故曰合肥原文

見通釋

廬州城內有箏笛浦云是曹操溺妓女處今漁人嘗夜

聞箏笛之聲故名又有藏舟浦藝文類聚

金斗池在廬州白帖

雞鳴山在縣西北四十里通鑑注案唐書食貨志李納田悅兵守渦口梁崇義搯襄

鄧南北漕引皆絕江淮運使杜佑以秦漢運
路出浚儀疏雞鳴岡首尾可以通舟即此
慎縣 緊東北至州七十里

本漢浚道縣地屬九江郡十道志見御覽百六十九故城在今縣南

後漢書注案魏于此置平梁郡隋為慎縣唐因之

巢縣 上東南至州一百三十五里

案古巢伯之國湯放桀于南巢即此地漢為居巢縣屬
廬江郡又為居巢侯國晉仍為縣太元中僑置南譙郡
及蘄縣北齊郡廢隋開皇元年改縣名襄安屬廬江郡
武德三年于縣置巢州并析置開成扶陽二縣七年悉

廢仍為巢縣屬廬州

邑有四鼎山即白狗仙人得道處又魏伯陽以白犬試

丹處原文見太平寰宇記

案七賢傳曰漢武出淮陽到監鄉帝問曰此名何陳翼
對曰鄉名為監上曰萬乘主問何欺乎欲舉火燔之翼
曰不可燔臣言不欺佩刀當生白毛若欺則當無毛視
之刃果有毛長寸餘原文見太平寰宇記

巢湖在縣西五十里周迴五百里南出於東關口東關
口在縣東南四十里接巢湖在西北至合肥界東南有

石渠鑿山通水，是名關口。相傳夏禹所鑿，一號東興。今其地高峻險狹，實守扼之所。故天下有事，必爭之地。吳魏相持于此，吳築城，魏亦對岸置柵。熹平四年，諸葛恪于東關作大堤，遏巢湖。左右依山夾築兩城，使全端留略守之。魏遣諸葛誕、胡遵圍東關，將壞其隄，恪大破之。巢湖亦名焦湖，東南至合肥縣六十四里。本居巢縣地，後陷為湖。今與巢縣、廬江分湖為界。諸葛武侯曰：曹操四越巢湖不成，張魏公曰：巢河之水上通焦湖，濡須正扼其衝，東西兩關又從而輔翼之，餽舟難通，故雖有十

萬之師未能寇大江

原文見通釋

黟黠山在縣東北五里，昔范增居此山之陽

括地志

橐臯故城在縣西北五十六里

史記正義

邑有楊泉湖

藝文類聚

楚范增墓在縣東

通典

廬江縣

緊東南至州一百八十里

漢郡名，漢龍舒縣地，屬廬江郡

劉昫唐書

故城在西

通典

案梁為湘州，隋開皇元年州廢，改為廬江縣。唐因之，邑有孺

山、白茅山、有銅

水經注即水出廬江郡之東陵鄉禹貢所謂過九江至

于東陵者也西南流水積為湖湖西有青林山原文案

德七年三月戊戌陳正通徐紹宗將步騎三萬屯青林山即此

舒城縣上南至州一百二十里案左傳曰徐人取舒注曰舒國今廬江舒縣也開元二十三年置

元和郡縣補志

元和郡縣補志

江甯嚴觀子進甫輯

劍南道原卷第二十五案唐書地理志是道內有保霸乾三州原志所闕但保州廣德二年

沒于吐蕃元和之際不入版圖矣是以未補

霸州靜戎下

戶五百七十一

天寶元年招附生羌置靜戎郡乾元元年改為霸州劉

唐書

州境

八到 至上都二千六百三十二里
至東都三千二百七十一里

貢賦

管縣四

安信 牙利 保寧 歸化

安信縣 下去州二十里

牙利縣 中去州五里

保寧縣 中去州三十里

歸化縣 中西北至州一百里

案四屬與州同置

乾州 下

戶

大厯三年開西山置 唐書

州境

八到

貢賦

管縣二

招武 寧遠

招武縣 下

寧遠縣下

案二屬與州同置

元和郡縣補志

元和郡縣補志

江甯嚴觀子進甫輯

嶺南道

原卷第三十五

春州

南陵本陽春下

戶一萬一千二百十八

鄉五

古越地秦屬南海象郡漢合浦郡之高涼縣地武德四年平蕭銑置春州

十道志見御覽百七十二

天寶元年改為南陵郡

乾元元年復為春州

劉昫唐書

州境

東西二百三十里南北二百八十里

八到

北至上都五千六百四十里

北至東都五千四百五十里

東至廣州六百四十二里

南至恩州九十三里

西至高州三百三十里

北至勤州百二十三里

東南至恩州百三十里

西南至高州三百三十里

東北至新州二百六里

貢賦

貢 鐘乳 銀 石斛 無絲蠶 蕉葛

管縣二

陽春 羅水

陽春縣

下

案本漢高涼縣地晉分置莫陽縣屬高興郡太康後屬高涼郡宋齊因之梁改名陽春隋屬高涼郡武德四年分置流南縣五年又置西城縣後皆省地產鉉

邑有長圍石以居人遠之故名

原文見太平寰宇記

元嘉中開郡塹得石墨數斛可以書

原文見太平寰宇記

廣南春新勤等州為南道多鸚鵡翠衿丹紫巧解人言有鳴曲子如喉轉者但小不及于隴右耳養之者忌以手頻觸其背犯者使其病顛而卒土人謂之鸚鵡瘴

段

路北戶雜錄

羅水縣

下西南至州九十里

案陽春有山峰之瀑布下注成川名羅水天寶末因之

置羅水縣

邑有蘇羅山

原文

新州

新興本新昌下

戶九千五百 鄉十二

案古越地秦屬南海郡漢為合浦郡之臨允縣後漢因之孫吳改屬蒼梧郡晉因之東晉永和七年分置新寧郡宋齊因之梁置新州隋為信安郡武德四年平蕭銑

復置新州天寶元年改為新興郡乾元元年復為新州

州境

東西二百七十四里
南北二百九十五里

八到

西北至上都五千五十三里
東北至東都五千里

東至廣州四十二里
南至恩州界八十二里

西至康州二百七十二里
北至端州百四十里

東南至廣州三十四里
東北至端州百四十里

西北至康州二百七十二里
西南至勤州百七十里

貢賦

貢金 銀 蕉 牛黃 紵布

管縣二

新興 永順

新興縣下

案本漢臨允縣晉初析置新寧屬蒼梧郡永和七年改名新興宋晉因之武德四年析置索盧新昌單牒三縣乾元後竝省古岱嶺在縣西三十里又有露山利山新江封水

新州有鳥類青鯢而觜大常在池塘閒捕魚而食每作一聲則有蚊子羣出其口今謂之吐蚊鳥又出變柑有苞大于升者但皮薄如洞庭之橘餘柑之所弗及傳云

本自高要移植不數百里形味俱變因以為名論其美真所謂厥包橘柚精者柑亦如踰淮為枳乃水土之異也

北戶雜錄

永順縣下北至州四十五里

案武德四年析新興置

雷州 海康下

戶四千三百二十 鄉五

案禹貢揚州南境秦屬象郡漢元鼎六年置合浦郡治徐聞縣梁普通六年分置合州太清元年為南合州隋

復為合州煬帝初州廢武德四年復置南合州貞觀元年改為東合州八年改為雷州天寶元年改為海康郡乾元元年復為雷州州春夏多雷秋月則伏其狀如羗或取而食之

州境

東西一百八十里
南北二百六十五里

八到

北至上都六千五百一十里
北至東都五千九百三十里
東至大海二十里
南至崖州四百三十里
西至大海二百里
北至羅州二百五十里
東南至大海十五里
西南至大海百里

貢賦

西北至羅州百六十里
東北至羅州界二百五十里
貢 絲電 高良薑 益智子 海桐皮 孔雀
班竹 烏藥

管縣三

海康 遂溪 徐聞

海康縣

中

案州之三屬皆漢徐聞縣地隋分置海康縣大業初廢
模洛羅阿雷川三縣入焉

州產黑象土人捕之爭食其鼻牙小而紅堪為笏裁

北戶

雜錄

遂溪縣

下北至州九十里

隋開皇十一年于此置鐵杷樵川二縣天寶元年併為

遂溪

原

徐聞縣

下南至州二百四十里

案本漢縣名隋開皇初改名隋康貞觀二年復舊名

縣南七里與崖州澄邁縣對岸相去約百里漢置左右

候官在此屯積貨物備其所求與交易有利故諺云欲

拔貧詣徐聞

原

羅州

招義本石城下

戶五千四百六十

禹貢揚州之域是為南越宋元嘉三年鎮南將軍檀道

濟于羅陵江口築石城置羅州屬高涼郡唐因之

十道志見

御覽百七十二天寶元年改為招義郡乾元元年復為羅州

劉昫

唐書

州境

八到

至上都六千五百二十二里

至東都五千七百五里

東至吳川縣大海百六十里

南至雷州二百五十里

西至廉州二百五十里

北至彝州百五十里

東南至雷州百七十里

西南至零綠縣百二十里

西北至白州二百三十里

東北至辯州百五十里

貢賦

貢 孔雀 鸚鵡 銀

管縣四

廉江 吳川 幹水 零綠

廉江縣下

案州之四屬皆漢高涼縣地屬合浦郡是邑初名石城武德五年析石龍吳川置天寶元年改名廉江又置南河招義零綠石龍陵羅龍化羅辯慈廉羅肥九縣後以

石龍以下六縣隸南石州又以南河隸順州

縣有龍化水

原文

羅州多棧香樹身如柅柳其華繁白其葉似橘皮堪搗為紙土人號為香皮紙作灰白色文如魚子賤今羅辯州皆用之小不及桑根竹膜松皮紙側理紙也

北戶雜錄

吳川縣 下南至州一百十里

案隋置縣屬高州唐屬羅州

幹水縣 下西至州七十三里

案昔有譚氏招義以討儋耳于邑之招義山東晉義熙

元年因立招義縣後廢武德元年再置天寶元年更名
幹水

黎山在縣北三十里幹水所出原文

零綠縣下西南至州一百二十里

案武德五年置因水名

高州高涼下

戶萬二千四百 鄉四

秦屬南海郡二漢屬合浦郡吳置高涼郡晉因之梁置

高州隋初郡廢州存十道志見御覽百七十二案煬帝初州廢地屬

高涼永熙二郡唐復為高州天寶元年改為高涼郡乾

元元年因地土高陸四山環遶復名高州州治本在良

德大厯十一年以川原險狹不通舟楫移治電白

州境東西二百四十里
南北一百六十里

八到北至上都六千二百六十二里
北至東都五千五百二十里
東至春州三百三十里
南至潘州九十里
西至寶州九十二里
北至瀧州三百五十里
東南至潘州九十里
西南至寶州九十里
西北至寶州九十二里
東北至瀧州三百五十里

元和補志八
貢賦 貢 銀 蚶 蛇 膽 孔 雀 高 良 薑 益 智 子

管縣三

電白 良德 保定

電白縣下

案本漢高涼縣屬合浦郡梁置電白郡隋改為縣屬高涼郡唐因之

南方果之佳者有欒支其產高潘州者最佳五六月方熟有無核類雞卵大者其肪瑩白不減水精性熱液甘乃奇實也又有蠟荔枝作青黃色亦佳北戶雜錄

高涼銀坑橄欖子細長多味美于諸郡產者北戶雜錄

高潘州出千歲蔗杖更有疎節竹五六尺一節僧道

多以爲杖北戶雜錄

高宮嶺一名茂嶺岡在州南一里通鑑注案山形圓秀下臨鑑江天寶中一

夕雷雨湧出一洲土人目爲小瀛洲

良德縣下西北至州三十七里

案本漢合浦縣地屬合浦郡陳置務德縣屬高涼郡後

改良德隋屬瀧州武德中改屬高州

保定縣下東至州二百二十五里

案本漢高涼縣地梁置連江縣為連江郡治隋平陳郡廢縣屬高涼郡開元五年改名保寧至德二載改名保定

恩州

恩平本齊安下

戶九千 鄉二十五

案禹貢揚州之域春秋百越之地秦為南海郡漢為高涼縣屬合浦郡後漢建安二十五年孫權置高涼郡梁大通中為高州隋復為高涼郡武德四年仍曰高州兼置總管府五年改曰西平貞觀二十三年廢府置恩州

天寶元年改為恩平郡乾元元年復為恩州州內有清海軍天寶元年置管戍兵三千人是州濱海最為蒸濕凡自廣至勤春高潘等州路所必經海濱舊置傳舍人憚波濤因闢新路傳舍惟健步出使與遞符牒者經過耳然因當五州要路頗有廣陵會稽賈人船循海東南而至者故吳越所產之物不乏于斯

州境

東西四百里 南北六十里

八到

東南至上都六千五百里 東南至東都五千六百里

東至廣州海路七百里 西至高州三百里

南至海二十里

北至春州百里

東南至海晏軍百一十里

西南至大海

東北至信安縣二百五十里

西北至春州陽春縣九十里

貢賦 貢金銀

管縣三

恩平 杜陵 陽江

恩平縣 下東至州一百五十里去海五十里

案本漢高涼縣地吳置海安縣屬高興郡晉因之宋屬東官郡齊改齊安隋開皇十八年復吳舊名武德五年

復名齊安至德二年改名恩平邑內舊有西平縣本名

高涼州後省

金雞山在州西北每有金色雞見鳴于石上因名原文見太

平寰字記

州出鵝毛脰乃鹽藏鱖魚其味絕美細如鰕蟲郭義恭

云小魚一筋千頭未之過也北戶雜錄

州有鹽場出紅鹽色如絳雪驗之即由煎時染成差可

愛也北戶雜錄

杜陵縣 下西北至州一百二十里

案縣本梁置并置杜陵郡于此隋廢郡開皇十八年改縣名杜原武德五年仍曰杜陵

陽江縣下

案本漢高涼縣地隋海安縣地蕭銑時置陽江縣武德四年屬高州貞觀二十三年改屬恩州產銀

翠鳥山在縣東二十里原文

縣有羅嶺山出沉香木原文

潘州南潘本南巴下

戶四千三百

古甌駱地秦平百越屬桂林郡漢為合浦縣屬合浦郡

武德四年置南宕州十道志見御覽百七十二貞觀八年改為潘州

天寶元年改為南潘郡乾元元年復為潘州劉昫唐書

州境

八到至上都七千一百八十七里至東都六千三百八十九里

東至高州九十里

南至大海百五十六里

西至辯州百二十二里

北至寶州百五十里

東南至大海百六十里

西南至辯州百九十里

西北至高州百九十里

東北至禺州百十五里

貢賦 貢 銀

管縣三

茂名 潘水 南巴

茂名縣 下

案縣本晉置屬高興郡因水名後廢梁復置與隋俱屬高涼郡貞觀元年改屬潘州

州有歷仙虛潘茂真人燒丹處南人呼市為虛今三日

虛 北戶 雜錄

楊梅葉如龍眼樹如冬青今州有白色楊梅甜而絕大

北戶 雜錄

潘水縣 下

案武德五年分茂名置以水名貞觀二十三年又析置

毛山縣以山名開元二年省入潘水縣南有博畔鎮

南巴縣 下東至茂名一百里

案梁置南巴郡隋改為縣大業初省入連江武德五年復置屬高州永徽元年來屬

縣產紅鰕大者長二尺土人多理為杯或釀以白金轉相餉遺乃玩用中一物也 北戶 雜錄

辯州

陵水本石龍下

戶四千八百五十八

州在陵羅羅水之間

郡國志見御覽百七十二

案古越地秦屬象郡

漢屬合浦郡隋屬高涼郡武德五年置羅州六年移治

石城於舊所置南石州貞觀九年改爲辯州天寶元年

改爲陵水郡乾元元年復爲辯州

州境

東西三百一里

八到

北至上都五千七百八里

北至東都五千三百七十里

東至廣州一千一百四十四里

南至羅州五十五里

西至白州二百三十里

北至禺州三百八十二里

東南至潘州四十里

西南至羅州百五十里

西北至白州三百里

東北至長安取恩州路六千四百九十里

貢賦

貢銀竹鞵鹽珠

管縣二

石龍 陵羅

石龍縣下

案州之二屬竝漢高涼地屬合浦郡是邑梁置屬石龍郡隋屬高涼郡武德五年屬羅州六年改屬辯州

茂名水在縣北二十步原文

陵羅縣 下北至州一百二十里

案武德五年置初屬羅州六年改屬辯州

瀧州 開陽本永熙下

戶三千六百二十七

秦屬南海郡二漢屬蒼梧郡十道志見御覽百七十二案晉初屬蒼

梧後屬晉康宋齊因之梁置平原郡兼置瀧州隋大業

初改爲永熙郡武德四年平蕭銑復置瀧州天寶元年

改爲開陽郡乾元元年復爲瀧州

州境

八到 至上都六千一百二里

至東都五千四百里

東至康州三百三十里

南至春州三百八十六里

西至高州百八十里

北至義州二百七十七里

東南至勤州二百六十里

西南至賓州百八十里

西北至思麻嶺四十七里

東北至康州二百三十里

貢賦 貢銀 石斛

管縣四

瀧水 開陽 鎮南 建水

元中補志八 嶺南道

瀧水縣

下東北至州一百八十里

案本漢端溪縣地屬蒼梧郡晉分立龍鄉縣隋改平原開皇十八年又改瀧水唐因之武德四年析置正義縣後省

瀧州出紅蝙蝠背深紅色唯翼脈淺黑多雙伏紅蕉花閒採者若獲其一則一不去諾龍雄死雌至亦出瀧州

北戶雜錄

雲際岡又為蠻崗地又為盤遼岡

通鑑注案開元十六年瀧州叛獠陳行範

兵敗逃于雲際盤獠二洞楊師勗追擒之即此

開陽縣

下東至州三十五里

案梁置縣為開陽郡治隋郡廢縣屬瀧州大業初并入瀧水武德四年復置

鎮南縣

下北至瀧水九十里

案本梁安遂縣屬廣熙郡隋改安南武德四年置南建州後改藥州五年又析瀧水置安南縣屬建州貞觀八年州廢屬瀧州尋屬藥州十八年藥州廢仍屬瀧州至德二載改名鎮南

建水縣

下

案隋置永熙縣屬永熙郡武德五年改名永寧天寶元年更名建水因縣西有建水也

有鼎石之神隨波出入即赤松子鍊水玉金丹處側有

赤松子祠存原文見太平寰宇記

勤州雲浮本銅陵下

戶六百八十二

秦屬南海郡漢屬合浦郡隋屬信安郡十道志見御覽七百七十二

德四年析春州置勤州五年州廢萬歲通天二年復置

長安中復廢開元十八年平春瀧等州首領陳行範餘

黨保銅陵北山廣州都督耿仁忠奏復置州治富林洞

乾元元年徙治銅陵唐書

州境

八到至上都五千三百九十里至東都五百七十五里

東至新州八十五里

南至銅陵二百六十里

西至瀧州二百六十里

北至康州界五十里

東南至新州三十五里

西南至廣州六百三十五里

西北至康州二百七十三里

東北至新州百七十五里

貢賦貢銀石斛金

管縣二

銅陵 富林

銅陵縣 下東南至州六十里

本漢允吾縣地屬合浦郡宋立瀧潭縣隋因界內有銅

山改名銅陵劉昫唐書本隸端州武德五年隸春州後屬勤

州產銅唐書

富林縣 下北至州九十里

武德四年析銅陵置初屬春州尋廢乾元元年復置唐書

崖州 珠崖下

戶八百一十九

珠崖非禹貢所及春秋所治南裔蠻夷之地也至前漢
武帝征南越元封元年遣使自徐聞南入于海得大洲
廣袤千里略以為珠崖儋耳二郡民以布單如被穿中
從頭穿之男種禾稻紵麻女子蠶織無馬與虎有牛羊
豕雞犬兵則矛盾木弓竹矢骨鏃郡縣吏卒多侵凌之
故率數歲一反昭帝省儋耳併珠崖元帝用賈捐之之
言棄之劉昫唐書至梁始置崖州隋為珠崖郡武德四年復
名崖州通典案貞觀元年置都督府天寶元年改為珠崖

郡乾元元年復爲崖州

州境

八到 至上都七千四百六十里
至東都六千三百里

貢賦 貢金銀 玳瑁 高良薑

管縣三

舍城 澄邁 文昌

舍城縣 下

案漢置朱盧縣屬合浦郡後漢改名朱崖吳復名朱盧
晉宋齊因之梁陳時省隋初名武德縣屬朱崖郡大業

六年改曰舍城以水名唐因之邑有扶山西南有勒連

鎮兵縣內有顏盧縣貞觀元年更名顏城開元後省

澄邁縣 下西至州九十里

案隋于澄水邁山環遶之間置縣屬珠崖郡唐因之

文昌縣 下東南至州一百四十里

案隋置平昌縣後廢武德五年再置貞觀元年更名文

昌取偃武修文之意邑有紫貝山那射水

瓊州 瓊山下都督府

戶六百四十九

案土地所屬與崖州同貞觀五年以崖之瓊山縣置瓊州天寶元年改為瓊山郡乾元元年復為瓊州州自乾封後沒山洞蠻貞元五年討平復置從嶺南節度使李復之請也其奏曰瓊州本隸廣府管內乾封元年山洞草賊反叛遂茲淪陷至今一百餘年臣令判官姜孟京崖州刺史張少逸併力討除今已收復舊城且令降人權立城柵相保以瓊州控壓賊洞請昇為下都督府加瓊崖振儋萬五州招討遊奕使其崖州都督請停從之州境

八到

東北至上都水陸七千四百三十里
北至東都水陸六千五百里
東至文昌縣極大海一百二十里
西至儋州五百里
南至萬安州五百里
北至大海五百里
西北至崖州二百六十里
西南至振州四百五十里

貢賦

貢金煎沉 黃熟香 蘇木 蜜蠟 白藤
吉貝布 高良薑 益智子 乾拖皮

管縣五

瓊山 臨高 曾口 樂會 顏羅

瓊山縣下

案本漢瑋瑁縣地屬珠崖郡後廢貞觀十三年析置會

口顏羅容瓊三縣貞元七年十一月省容瓊有鹽

瓊州出五色藤合子書囊之類花多織走獸飛禽細于

錦綺亦藤工之妙手也又出紅葦其色殷紅瑩而不垢

或云染藤所製

北戶雜錄

臨高縣 下東至州八十里

案本臨機縣屬崖州貞觀五年改屬瓊州州廢仍隸崖

州開元元年更名臨高貞元七年仍隸瓊州有南歸水

曾口縣 下

樂會縣 下

案顯慶五年置

顏羅縣 下

振州 延德本臨振下

戶八百一十九

案土地所屬與珠崖郡同隋大業中為臨振郡又曰盛
遠郡武德五年置振州天寶元年仍為臨振郡乾元元
年復為振州

州境

八到 北至上都八千六百六里
北至東都七千七百九十七里

元補志八嶺南道

三

東至萬安州百六十里
 南至大海七里
 西至儋州四百二十里
 北至瓊州四百五十里
 東南至大海二十七里
 西南至大海十里
 西北至延德縣九十里
 東北至瓊州四百五十里

貢賦
 貢金 五色藤盤 斑布食單

管縣五

寧遠 延德 吉陽 臨川 落屯

寧遠縣 下

案寧遠延德吉陽臨川皆漢臨塵縣地屬鬱林郡此縣

隋置有鹽

寧遠水去縣一里 原文

延德縣 下西至州七十里

案隋置縣屬崖州唐屬振州

延德水去縣一里 原文

吉陽縣 下東北至州九十里

貞觀二年析寧遠置 原文

臨川縣 下東南至州八十里

案縣隋置屬崖州本臨塵故縣也開皇十年以縣賜高

涼洗夫人為湯沐邑後廢大業中又置唐改名臨川
落屯縣 下東北至州二百里

案天寶後置

儋州

昌化本儋耳下
戶三千三百九

土地所屬與珠崖郡同漢元鼎六年定越地置儋耳郡

十道志見御覽百七十二

案隋為珠崖郡治武德五年置儋州天寶

元年改為昌化郡乾元元年復為儋州

州境

東西六百六十里
南北三百六十五里

八到

西北至上都七千七百四十二里
西北至東都七千九百六十八里

東至振州四百里

南至馬鞍嶺三百四十里

西至振州延德縣三百四十七里

北至大海二十五里

西南至大海四十五里

東北至崖州三百七十里

西北至大海八十五里

東北至廣州二千三百七十里

貢賦

貢金 糖香 高良薑 白藤花 煎沉香
相思子 蘇木

管縣五

義倫 昌化 感恩 洛場 富羅

義倫縣

下

漢武帝置儋耳郡故城卽今縣治後漢書注梁置義倫縣隋唐因之邑產鹽有毗耶山倫江

儋州出紅蠟大小殼上多作十二點深燕支色亦如鯉之三十六鱗耳其殼與虎蠟堪作壘子至于鸚鵡螺杯

不同年而語也

北戶雜錄

昌化縣

下西至州一百八十里

案隋大業六年置貞觀元年析置吉安縣乾元後省邑有昌化石南崖江藤山

儋州昌明山山有二石如人形云昔有兄弟向海捕魚

化為石因號兄弟石

郡國志見御覽五十二

感恩縣

下東至州二百二十五里

隋大業六年置縣取水名原文案邑有感勞山涌龍江

洛場縣

下

案乾元後置在黎峒山中

富羅縣

下東北至州一百二十里

隋之毗善縣也屬崖州武德五年改名富羅唐書

萬安州

萬安下

戶二千九百九十七

案本漢珠崖儋耳二郡地龍朔二年以崖之萬安置萬安州天寶元年改為萬安郡至德二年改名萬全郡乾元元年復為萬安州本以陵水為治所貞元九年以便百姓移州治于萬安

州境 東西三百八十四里 南北二百五十七里

八到 西北至上都八千六百里 北至東都水陸路七千七百九十里 東至海三十里 南至海四十二里 西至崖州三百二十五里 北至瓊州四百五里

貢賦 貢金銀

管縣四

萬安 陵水 富雲 博遼

萬安縣 下

案貞觀五年析崖州文昌縣置初隸崖州後屬萬安至德二載改曰萬全貞元元年復故名

陸水縣 下南至州二百里

案縣隋大業六年置屬珠崖郡本隸振州龍朔中改屬萬安邑有靈山陵柵水

富雲縣 下

博遼縣下

案二屬皆貞觀五年析文昌置初屬瓊州十三年屬崖州龍朔中改屬萬安

元和郡縣補志

元和郡縣補志

江甯嚴觀子進甫輯

嶺南道原卷第三十六

藤州感義本永平下

戶三千九百八十

秦屬南海郡二漢竝屬蒼梧郡晉屬永明郡隋平陳置藤州煬帝初州廢置永平郡十道志見御覽百七十二武德四年復為藤州天寶元年改為感義郡乾元元年復為藤州劉

唐書

州境 東西一百六十里 南北一百三十里

八到 西北至上都五千九百九十六里 西北至東都五千二百里 西至義州二百五十里 東至義州二百四十里 南至義州二百九十里 北至梧州九十七里

東南至梧州九十八里 西南至龔州四百九十九里 東南至梧州界百九十八里 西南至容州二百五十一里

貢賦 貢銀布竹子

管縣四

鐔津 感義 義昌 寧風

鐔津縣 中下

案隋置漢蒼梧郡屬猛陵縣地邑有漳江鉛穴山鐔江

感義縣 下南至州九十里

案隋開皇十九年置涪民縣于義江口武德七年改名

感義邑有蘇羅山龍驤水

義昌縣 下西北至州五十里

案本東晉安沂縣為永平郡治梁更安基貞觀二十三年改安昌至德二載改名義昌

孤獠名也有兩牙長二寸食人性重人掌蹠得人即懸

之室內當面鋪坐擊鐘鼓歌舞飲酒稍割而噉之方于

農時獵人以祀田神原文見太平寰宇記

寧風縣下西至州一百里

案武德五年以縣置鷲州領桂平大賓長恭泰川池陽

龍陽安基貞觀五年又析置新樂寧風梁石羅風四縣

七年更州名泰八年復為鷲州十八年州廢以寧風來

屬後省七縣存桂平大賓泰川三縣分屬他州

巖州常樂下

戶千一百一十

案秦屬象郡漢屬合浦郡後漢及吳名珠官郡晉仍名合浦宋因之尋更臨瘴郡兼置越州齊因之調露二年析置巖州天寶元年改為安樂郡至德二載改為常樂郡乾元元年復為巖州

州境

八到

貢賦貢金

管縣四

常樂 恩封 高城 石巖

常樂縣 下

案本隋安樂縣屬海陰郡蕭銑分興德置縣貞觀元年省乾封元年復置隸鬱林州永隆元年來屬至德二載更名常樂

恩封縣 下

本伏龍洞當宐牢二州之境調露二年與高城石巖同

置唐書

高城縣 下

案縣因水名

石巖縣 下

宐州 龍水下

戶千二百二十 鄉十

案禹貢荊州南裔周百越地秦屬象郡漢交趾日南二郡之地晉以後沒於蠻貞觀十二年李清平公開拓其地因置粵州乾封中改為宐州州乃桂之屬郡有河水如陽江深不可測兩岸壁立味異泉水故老相傳神龍所開者也

州境 東西二百二十八里 南北二百四十三里

八到

西北至上都五千四百里
北至東都五千里
東至柳州二百里
南至澄州上林縣界一百三十三里
西至籠州二百一十里
北至融州一百四十里
東北至桂州一千六百里

貢賦

貢 都洛麻 狹幅布 銀 丹砂

管縣四

龍水 崖山 東壘 天河

龍水縣

下西至州三百里

案武德四年置地產銀與丹砂邑有武鵝山西有龍江

源從撫水合流至城北東流二十三里至柳象海潭龔
梧等州歸于南海

崖山縣

下南至州二十里

案貞觀九年置初屬柳州邑有壘石溪在縣北六里源
出蕃州界

東壘縣

下西至州六十里

天河縣

下西至州八十里

案縣與州並置邑有溪江

灋州

臨潭下

元和補志九
戶千六百六十六

禹貢揚州之域春秋屬楚在鬱林之西南交趾之北隋將劉方始開此路為鎮守尋廢不通貞觀十二年李清平公遣欽州首領甯師宗招慰開拓尋劉舊路得達交趾因置灤州州在灤水之東故以為名十道志見御覽百七十二天寶元年改臨潭郡乾元元年復為灤州劉昫唐書

州境

八到東至欽州六百三十里北至容州二百八十二里

管縣四

灤江 波零 鵠山 弘遠

案所屬四縣與州同置均稱下縣貞元後名存而已

籠州 扶南下

戶三千六百六十七

古越地在南越之西界十道志見御覽百七十二貞觀十二年李清

平公遣龔州大同縣人龔固興招慰生蠻以降附之地

置籠州天寶元年改為扶南郡乾元元年復為籠州扶

南國在日南郡之南海西大島中去日南郡約七千里

在林邑國西三千里其王貞觀中遣使朝貢故立籠州

招致之遙取其名非正扶南國也劉昫唐書

州境

八到 東至邕州八百里

貢賦

管縣七

武勤 武禮 羅籠 扶南 龍額 武觀

武江

案籠州七屬與州同置均稱下縣

田州 橫山下

戶四千一百六十八

案古百越地秦屬桂林郡二漢屬鬱林郡晉宋以後沒于蠻開元中開置田州天寶元年改為橫山郡乾元元年復為田州貞元二十一年廢尋復置

州境

八到 至上都五千二百里 至東都四千八百六十里

東至巒州三百里 南至襄州二百八十二里

北至澄州三百里 西南至恩州四百九十里

東北至賓州二百五十七里

貢賦

管縣五

都救 惠佳 武龍 橫山 如賴

案五屬與州同置均稱下縣

環州 整平下

戶

禹貢揚州之分十道志見御覽百七十二案貞觀十二年李清平招降於遊盧水南整水之西置環州撫之治思恩縣縣在州西百里天寶元年改為整平郡乾元元年復為環州

地有環落洞為諸洞要衝故名

州境

入到

東至歌良縣三十里
南至古陽縣界二十二里
西至金城州界十五里
北至鎮寧三十里

貢賦

管縣八

正平 福零 龍源 饒勉 思恩 武石
歌良 都蒙

案八屬與州同置均稱下縣

古州 樂古下

戶二百八十五

案州亦貞觀中李清平所開初名古州天寶元年改爲樂古郡乾元元年復爲古州

州境

八到 至上都六千七百里至東都六千三百里

貢賦 貢蠟

管縣三

樂山 古書 樂興

樂山縣

本樂預寶應元年更名 唐書

古書縣 下

樂興縣 下

案二縣與州並置

容州 普寧下都督府

戶四千九百七十

今爲容管經略使理所

秦屬象郡二漢屬合浦郡隋爲合浦永平二郡地 通武典

德四年平蕭銑置銅州貞觀元年改為容州以州西有容山也開元中升為都督府天寶元年改為普寧郡乾元元年復為容州都督府併置防禦經略招討等使以刺史領之兼充經略軍使州有經略軍

劉昫唐書

州境

八到	東北至上都五千九百一十里
	東北至東都五千四百八十五里
	東至滕州二百五十九里
	南至寶州二百里
	西至禹州九十五里
	北至龔州一百九十里
	東南至藤州二百五十里
	西南至黨州百五十里

西北至隋建縣三百六十里
東北至義州百里

貢賦 貢 丹砂 銀 水銀 竹 布 蕉布皮

管縣六

普寧 北流 陵城 涓龍 欣道 陸川

普寧縣下

案縣隋初置

北流縣下

案本漢合浦縣屬合浦郡齊永明六年置北流郡梁廢為縣武德四年析置豪石巖昌南流陵城新安五縣貞

元稹補志九
十一
觀十一年省新安豪石巖昌焉邑有句漏山

縣南三十里有兩石相對濶三十步狀若關門俗號鬼門關漢伏波將軍馬援討林邑蠻路由于此立碑石龜尚在昔時趨交趾皆由此路其南尤多瘴癘去者罕得生還故諺曰鬼門關十人去九不還其土少鐵以礬石燒為器以烹魚鮭北人名五侯燹石一經火久之不冷即今之滑石也亦名冷石

劉昫唐書

陵城縣

下

渭龍縣

下東至陸川七十里

武德四年析普寧置

唐書

欣道縣

下東至陸川六十里

案隋開皇十五年置安人縣十八年改名寧人貞觀二

十三年更為欣道縣初屬藤州

陸川縣

下西南至州九十里

案初隸東峩後屬容州邑有雞籠山龍化水

牢州

定川下

戶千六百四十一

秦屬象郡漢屬牂牁郡

十道志見御覽百七十二

宋分置南流郡齊

梁曰定川郡武德二年置義州五年改名智州貞觀十二年改智為牢以石名劉昫唐書案後廢乾封三年將軍王杲平蠻獠復置天寶元年改為定川郡乾元元年復為牢州州有石高四十丈周二十里即牢石也

州境

八到

至上都六千一百五里
至東都五千八百三十六里
東至容州百二十五里
南至白州百里
西至鬱林州百一十里
北至黨州百里
西北至鬱林州百里

貢賦 貢 銀 布

管縣三

南流 定川 宕川

南流縣

下東南至州九十里

案武德四年析容州北流置南流定川宕川三縣皆以水名南流江在縣南百步

定川縣

下西北至州四十五里

宕川縣

下

案二縣初隸潘州後屬牢州

白州 南昌下

戶二千五百七十四

古越地秦象郡漢合浦郡地武德四年置南州六年改

為白州十道志見御覽百七十二天寶元年改為南昌郡乾元元年

復為白州劉昫唐書

州境東西二百七十里南北一百五十里

八到至上都六千一百七十五里至東都五千九百一十九里

東至羅州三百里南至羅州三百二十里西至州內朗平山八十里北至牢州百里

北至牢州百里

東南至羅州二百二十里

西南至廉州二百里

西北至牢州七十五里

東北至禺州二百里

貢賦 貢珠金銀

管縣四

博白 建寧 周羅 南昌

博白縣下

案四屬皆漢合浦縣地武德四年析置并置朗平建寧周羅龍豪淳良五縣貞觀十二年省朗平淳良大厓八年以龍豪隸順州邑有博白山博白水周羅山周羅水

綠珠江綠珠井

西南百里有北成灘甚險唐書

建寧縣下在博白之西

貞觀十二年省涪良縣入焉劉昫唐書

周羅縣下東至州九十里

南昌縣下北至州九里

案隋置唐屬潘州貞觀中改屬白州

順州順義下

戶五百九

大庾八年容管經略使王翊析禹羅辯白四州地置順

州亦曰順義郡在白州之東北唐書

州境

八到

貢賦貢銀

管縣四

龍化 溫水 南河 龍豪

龍化縣下

案武德四年置以水名本隸辯州

溫水縣下

案武德四年析南昌置本隸禺州

南河縣下至州四十里

案武德五年析石龍置本隸羅州

龍豪縣

案武德四年析合浦置本隸白州

繡州常林下

戶九千七百七十三

秦屬桂林郡二漢屬鬱林郡吳以後因之

十道志見御覽百七十二

武德四年置林州六年改為繡州天寶元年改為常林

郡乾元元年復為繡州劉昫唐書

州境

八到至上都六千九十里至東都五千五百里

南至黨州五十里北至貴州百里

貢賦貢金

管縣三

常林 阿林 羅繡

常林縣中

案漢阿林縣地屬鬱林郡武德四年析置又置羅繡皇
化歸誠三縣貞觀七年以皇化隸潯州省歸誠

阿林縣 中下東北至州五十里

案本漢縣

羅繡縣 下東至州六十四里

案武德四年析阿林置尋又析置盧越貞觀六年省入

羅繡

鬱林州 鬱林下

戶千九百一十八

秦為桂林郡漢改鬱林郡後漢因之梁置定州又改為

南定州隋平陳改為尹州煬帝初為鬱林郡 十道志見御覽百七

二貞觀中為鬱林州天寶元年改為鬱林郡乾元元年

復為鬱林州 劉昫唐書

州境 東九十里 西一百三十六里 南一百三十六里 北一百三十六里

八到 至上都五千五百七十里 至東都五千一百六十里 東至平琴州九十里 南至牢州一百一十里 西至賓州一百六十里 北至貴州一百五十里 東南至牢州一百一十里 西南至賓州一百一十里

貢賦

西北至貴州百五十里
東北至黨州七十五里

管縣四

鬱平 興業 興德 潭栗

鬱平縣

下

案隋置縣屬貴州唐屬鬱林

郡北有大山其高隱天上有池有石牛在池下歲旱殺牛祈雨以牛血和泥塗石牛背祀畢天雨洪注去泥即晴

藝文類聚

郡有布山多蛇毒有冷石赤黑味苦

北堂書鈔

興業縣

下

案麟德二年析石南置建中二年省石南入焉邑有北

斗山小江

興德縣

下

案蕭銑析石南置尋廢武德四年分鬱平復置屬南尹州尋屬貴州後屬鬱林

潭栗縣

下

黨州

寧仁下

元和補志九
戶千一百四十九

案本鬱林州地永淳元年開古黨洞置黨州天寶元年
改為寧仁郡乾元元年復為黨州建中二年二月廢平
琴州併入蠶歲八熟多翡翠孔雀其地近海

州境

八到

至上都六千四百三十八里

至東都五千七百里

東至繡州八十里

南至牢州百里

西至平琴州二十二里

北至繡州五十里

東南至容州百五十里

西南至平琴州五十五里

貢賦

西北至繡州一百里
東北至繡州三十五里
貢金銀

管縣八

撫安 善勞 善文 寧仁 容山 懷義

福陽 古符

撫安縣 下東至州十五里

善勞縣 中下

善文縣 下

寧仁縣 下

容山縣下

永清二年析黨州置平琴州領安仁懷義福陽古符四縣垂拱三年廢神龍三年復置至德中更安仁曰容山建中二年州廢縣皆來屬唐書

懷義縣下西北至州三十里

福陽縣下

古符縣下

縣之封溪多猩猩似黃狗人面善言聲如婦人原文見太平寰

宇記

出蝮蛇長十餘丈以婦人衣投之則蟠牙長六七寸辟

不祥原文見太平寰宇記

馬援造銅船濟海既歸付程安令沉于渚今天晴水澄

往往望見船樓上恆似有四寸水不知幾十丈也一名

越王船原文見太平寰宇記

寶州懷德下

戶一千一十九

禹貢揚州之域古越地漢蒼梧郡之端溪縣武德五年置南扶州貞觀八年改為寶州十道志見御覽百七十二天寶元年

改為懷德郡乾元元年復為寶州劉昫唐書其地悉以高欄

為居號曰干欄三日一市郡國志見御覽百七十二

州境東一百三十里

八到至上都六千一百里

至東都五千四百里

東至瀧州百八十里

西至容州二百里

南至潘州二百五十里

北至義州二百三十里

東南至高州九十二里

西南至禹州百九十里

東北至瀧州一百八十里

西北至義州一百七十六里

貢賦

貢銀

管縣四

信義 懷德 潭峩 特亮

信義縣 中下

案四屬皆漢端溪縣地是邑武德四年析隋懷德縣置

懷德縣 中下東至州六十里

案梁置梁德縣為郡治隋初郡廢縣屬瀧州開皇十八

年改名懷德唐因之

羅寶洞在縣南一里通鑑注案通鑑貞觀五年高州總

率部落討平之

潭峩縣

下西南至州八十里

案武德四年析懷德置

特亮縣

下西北至州七十里

武德四年分信義置

劉昫唐書

縣在河涸水北昔有白牛夜

出光影射村村人見此號為特亮

郡國志見御覽百七十二

禹州

溫水下

戶三千一百八十

古百越地婺星之分秦屬象郡本嚴昌之邊邑

十道志見御覽

案乾封三年將軍王杲奏析白獬竇容四州地置

東峩州總章二年改為禹州天寶元年改為溫水郡乾

元元年復為禹州其地多三梁烏許之民

州境

八到

至上都五千三百五十里
至東都五千里

東至義州一百九十里

南至辯州三百里

西至白州二百里

北至容州一百一十里

貢賦

貢

銀

管縣四

峩石

羅辯

扶萊

岩昌

嶷石縣 下

案總章二年析白州之溫水置因邑南石名

邑有石印似印形文如篆 原文見太平寰宇記

董奉死人見于鳴石之山山海經曰長石之山洪水出

焉山多鳴石即此也 原文見太平寰宇記

羅辯縣 下西南至州一百里

案武德四年析陸川縣置初屬辯州本羅辯洞地

扶萊縣 下東南至州八十里

案武德五年析信義置因水名貞觀中省乾封中復置

初隸寶州

宕昌縣 下

案武德四年置本屬容州建中三年來屬

廉州 合浦下

戶三千三十二

案禹貢荊州南境自秦至宋其因革與巖州同宋置越州隋改為祿州尋改合州後為合浦郡武德四年復為越州貞觀八年改曰廉州天寶元年仍為合浦郡乾元元年復為廉州

州境

八到

至上都六千五百四十七里

至東都五千八百三十六里

南至白州三百五十里

西至欽州五百里

北至貴州三百五十里

東南至白州三百五十里

西南至羅州五百七十里

東北至欽州七百里

西北至安南都督府一千里

貢賦

貢銀

管縣四

合浦

封山

蔡龍

大廉

合浦縣

中下

案廉州四屬皆漢合浦縣地武德五年置合浦縣又置安昌大廉高城大都四縣貞觀六年又置珠池後以大都隸白州省珠池安昌入合浦

陳伯紹平蠻至合浦見三青牛圍之不獲即于其處置

城號曰青牛城

原文見太平寰宇記

糧頭山在縣西北

原文

州內有瘴江名合浦江

劉响唐書

合浦八十里有圍洲周迴百里

初學記

邑西南有珠母海中有平江懸梅青嬰三池池中有珠每月明之夜其光燭天即古合浦珠也郡人採珠之

所帖白

封山縣 下西北至州一百二十里

案齊置封山郡陳改為縣蕭正表封封山侯于此武德五年于縣置姜州并置東羅蔡龍二縣貞觀十年州廢以封山蔡龍來屬并省東羅

蔡龍縣 下北至州一百五十里

案貞觀五年析封山置十二年以高城併入

大廉縣 下東南至州一百里

案武德五年析合浦置

義州 連城下

戶千一百一十

古甌駱越地秦平百越為桂林郡漢屬蒼梧今州即猛陵縣也唐武德四年江表底定於此置南義州

百七貞觀元年改為義州天寶元年改為連城郡乾元

元年復為義州

州境 東西八十里 南北九十里

八到

西北至上都五千七百五十里

東至梧州嶂嶺百七十里

西至容州九十里

南至賓州三百三十里

北至藤州三百里

東北至瀧州二百九十里

東南至竇州百七十六里

西南至容州二百里

西北至藤州二百里

貢賦

貢

銀

縮布

管縣三

岑溪

永業

連城

岑溪縣下

案本漢猛龍縣屬蒼梧郡武德五年置龍城安義義城三縣至德二載改龍城曰岑溪尋省義城邑有郡山永業縣下東北至州一百里

案梁置永業郡尋改為縣陳省隋開皇十六年復置唐初名安義至德中仍復舊名連城縣下東南至州八十里

武德五年析瀧州正義置唐書

湯州 湯泉下

案唐以故秦象郡地置天寶元年改為湯泉郡乾元元年復為湯州

州境

八到 至上都六千八百三十里至東都六千四百四十里

貢賦 貢金

管縣三

湯泉 綠水 羅韶

案三屬與州同置均稱下縣

芝州 忻城下

戶一千二百

案秦屬象郡唐于漢交趾日南二郡界置芝州天寶元年為忻城郡乾元元年復為芝州

州境

八到

貢賦

管縣七

忻城 富川 平西 樂光 樂豔 多雲 思龍

案七屬與州同置均稱下縣

武峩州 武峩下

戶千八百五十

案秦屬象郡漢交趾日南二郡界隋置交趾郡唐析置武峩州天寶元年改為武峩郡乾元元年復為武峩州

州境 八到 至上都七千三百里 至東都六千八百里

貢賦

管縣七

武峩 如馬 武義 武夷 武緣 武勞

梁山

案州七屬與州同置均稱下縣

元和郡縣補志

